

四庫全書

子部

欽定四庫全書

子部  
玉海卷二百七十八

詳校官中書臣張經田

主事臣祁韻士覆勘

總校官進士臣朱 鈐

校對官主事臣陳文樞

謄錄監生臣婁春芳

欽定四庫全書

玉海卷一百七十八

宋 王應麟 撰

食貨

農官

農家者流出於農穰之官播百穀勸耕桑以足衣食  
故八政一曰食二曰貨孔子曰所重民食周官冢宰  
以九職任萬民其一曰三農生九穀司稼巡邦野之

稼而辨種稔之種周知其名與其所宜地而懸于邑閭是也及鄙者為之欲使君臣並耕詩上下之序

少皞九農正

見官名 春秋正義賈逵云春扈分循相五土之宜趣民耕種夏扈竊玄趣民耘苗秋扈竊藍趣民收歛冬扈竊黃趣民蓋藏棘扈竊丹為果驅鳥行扈喑喑晝為民驅鳥宵扈嘖嘖夜為農驅獸桑扈竊脂為蠶驅雀老扈鷄鷄趣民收麥今不得晏起舍人樊光注爾雅其言亦

同謂以扈為官還令依此諸扈而動作也其言不經難據杜云以九扈為九農之號各隨其宜以教民事 稷五星在七星南農正也

堯農師 稷官

史周紀棄為兒時其遊戲好種殖麻菽及為成人遂好勸農相地之宜宜五穀者稼穡焉民皆法則之堯聞之舉為農師天下得其利

又見淮南子

書舜典帝曰汝后稷

播時百穀

詩誕后稷之穡有相之道誕降嘉穀秬秠糜芑

詩箋后稷堯用之

居稷官

闕官

周語農師一之稷為大官

漢匈奴傳夏

道衰而公劉失其稷官

北史始均舜命為田祖

晉

石苞傳為司徒詔曰陶唐之世稷官為重其使司徒督

察州郡播殖增置掾屬十八

夏農率

月令注夏小正曰農率均田釋文率謂田正疏農率則

田峻也

周農師

農正

農大夫

見官名 禮里宰注季冬之月令命農師計耦耕事修耒耜具田器

周田畷

詩七月三之日于耜四之日舉趾同我婦子饁彼南畷田畷至喜注四之日周四月也民舉足而耕田畷田大夫也 甫田曾孫來止田畷至喜箋田畷司嗇今之嗇夫也成王來止謂出觀農事親與后世子行使知稼穡艱難司嗇至又加以酒食 記月令孟春王命布農事

命田舍東郊注田謂田峻主農之官也 禮冢宰九職

一曰三農生九穀三農

鄭司農云平地山澤  
玄謂原隰及平地

司稼辨

種稔之種稻人稼下地 呂氏春秋季冬紀命司農計

耦耕事修耒耜具田器 晉志詩曰一之日于耜二之

日舉趾農官澤虞各有攸次 漢志后稷封豳公劉處

豳大王徙岐文王作鄠武王治鎬其民有先王遺風好

稼穡務本業故豳詩言農桑衣食之本甚備 管子墾

田大邑辟土藝粟盡地力之利臣不若甯邀請置以為



大田

漢農官 田官 農都尉 屯田校尉 宜禾

都尉

食貨志武帝時水衡少府太僕大農各置農官往往即郡縣比没入田田之元鼎六年上郡朔方西河河西開

田官斥塞卒六十萬人戍田之

見屯田類

元紀初元五年

四月詔罷北假田官

王莽傳五原北假膏壤殖殺北假在五原今勝州

鹽鐵

論大夫曰北邊置田官以贍諸用 王褒講德論省田

官損諸苑 匈奴傳漢遣大將軍青票騎將軍去病擊

匈奴匈奴遠遁幕南無王庭漢度河自朔方以西至今

居住往通渠置田官吏卒五六萬人稍蠶食地接匈奴

以北 百官表司農有郡國農監長丞農都尉武帝初

置續志邊郡置農都尉主屯田殖穀 馮參傳陽朔中為上河農都尉

師古曰上河在西河富平 叙傳班况為上河農都尉奏課連最

地理志張掖郡番和農都尉治敦煌郡廣至有宜禾都

尉治見屯田 西域傳宣帝置都護匈奴益弱不得近西

域於是徙屯田於北胥鞬披莎車之地屯田校尉始屬

都護

即渠犂田官

元鳳四年遣司馬一人吏士四十人田伊

循其後更置都尉伊循官置始此 後西域傳永平十

六年征匈奴取伊吾盧地置宜禾都尉以屯田遂通西

域 魏梁習傳建安十八年拜西部都督從事表置屯

田都尉二人領客六百夫於道次耕種菽粟

粟祇為屯田都尉

董祀屯田都尉

宣帝時蔡癸以好農使勸郡國至大官 光

武拜梁騰酒泉典農都尉

建武八年

田仁護邊田穀於河

上 王莽置田禾將軍屯田北邊

漢稻田使者

昭紀元鳳元年冬十月詔安陽侯桀與燕王謀逆故稻田

使者燕倉先發覺

如淳曰為諸稻田置侍者  
假與貧民收其稅入也

唐六典

漢尚書郎四人其一人主戶口墾田汜勝之為議郎教

田三輔是也魏有農部郎曹晉始置屯田郎中

溫嶠請  
司徒置

田曹掾州一人勸  
課農桑察吏能否

漢藉田令

通典漢文初立籍田置令東京及魏不置晉武泰始十年十二月復置江左省宋元嘉中又置

漢力田常員

紀惠帝四年正月舉民孝悌力田者復其身高后元年  
初置孝悌力田二千石者一人文帝十二年三月詔置  
三老孝悌力田常員成帝陽朔四年正月詔曰先帝劭  
農薄其租稅寵其強力令與孝弟同科其令二千石勉  
勸農桑出入阡陌致勞來之 地理志敦煌效穀縣注

師古曰本魚澤障桑欽說孝武元封六年崔不意為魚復尉教力田以勤效得穀因名縣 詩箋田畷司嗇今

之嗇夫

朱邑

鮑宣

鄭玄

第五倫

爰延

漢穀石五錢 唐米斗三錢

宣紀元康四年比年豐穀石五錢

趙充國傳金城  
湟中穀斛八錢

唐

食貨志貞觀四年米斗四五錢天寶三載是時海內富

實米斗之價錢十三青齊間斗纔三錢 魏徵傳帝即

位四年米斗三錢 舊紀麟德二年是歲大稔米斗五

錢年麥不列市

漢大有年 唐有年

後漢紀永平九年是歲大有年十二年是歲天下安平

人無徭役歲比登稔百姓富庶粟斛三十牛羊被野

永平

二年始迎氣五郊三年春詔有司勸農桑四年親耕五年作常滿倉

唐紀太宗貞觀二

年九月壬子以有年賜酺三日

五年八月己卯以大有年賜羣臣羊酒宴樂

高宗麟德二年大有年

又見祥瑞

魏典農都尉

魏志典農都尉校尉曹公置 任峻為典農中郎將

裴潛為魏郡潁川典農中郎將奏通貢舉比之郡國

鄧艾為典農功曹 謝奇為靳春典農屯皖 王昶母

丘儉為洛陽典農 孟康正始中為弘農領典農校尉

盧毓為睢陽典農校尉 時苗典農中郎將 司馬

芝傳武帝開屯田之官專以農桑為業建安中倉廩充

實百姓殷足

太祖欲廣置屯田使國淵典其事

咸熙元年罷屯田官以

均政役

典農為太守都尉為令長

魏志注漢陶謙表陳登為典農



校尉盡鑿溉之利秔稻豐積 晉書太僕統典農都尉

泰始二年罷農官為郡縣後復有之 何曾汲郡典

農中郎將 傅玄領典農校尉

唐營田使 稻田使

高宗時婁師德兼河源軍司馬知營田事天授初為豐  
州都督衣皮袴率士屯田積穀數百萬延載元年春二  
月為河源積石懷遠軍及河蘭鄯州檢校營田大使聖  
曆元年四月辛丑為隴右諸軍大使復領營田開元五

年三月庚戌復置營州都督以姜師度為營田支度使

開元八年六月同州刺史姜師度兼營田長春宮使十月十七日開置朝邑屯田與宋慶禮築

之慶禮開屯田八十餘所慶禮傳以習邊事拜十四年

七月王峻為關內支度營田使十五年十二月張志亮

為隴右支度營田使李尚隱為河北營田使二年四月楊執一兼

隴右營田使六典諸軍萬人已上置營田副使一人列

傳崔隱甫玄宗擢兼河東道支度營田使張延賞大

厯中為諸道營田副使段秀實為邠寧支度營田副

使 潘孟陽元和中兼京北五城營田使王遂為西北

供軍使持營田不可

憲宗以韓重華為振武京西營田和羅水陸運使

孔緯

僖宗時兼京畿營田使 張介然為河隴郡守營田支

度等使

忠義

賈循遷靜塞軍營田使

忠義

張九齡遷中

書令

開元二十一年五月

始議河南開水屯兼河南稻田使

宰相表開

元二十一年七月甲申九齡為河南開稻田使紀二十六年正月丁丑以京兆稻田給貧民

通鑑

開元十六年正月宇文融請因九河故道開稻田丙寅

充九河使事不就

唐農圃監

韋雲起傳高祖授司農卿武德初進上開府判農圃監

見東都苑類

唐田正

會要

舊紀同

景龍三年八月二日庚寅敕諸州置司田叅

軍一員

主農事

唐隆元年七月十九日戊辰廢開元十五

年四月十三日朔方五城各置田曹叅軍一員

知營田

上

元二年九月二十一日壬寅又置并每縣置田正二人

唐勸農使

通鑑開元十二年六月壬辰以兵部員外郎宇文融為勸農使循行州縣議定賦役 宇文融傳玄宗以融為覆田勸農使擢兵部員外郎融乃奏慕容琦等二十九人為勸農判官分按州縣括正丘畝

太平興國農師

興國七年閏十二月庚戌詔民為邦本食乃民天今諸道州府擇練土地之宜明種植之法者為農師

通畧丁酉詔

實錄庚戌

大詔令同

九年五月廢

端拱營田使

淳化屯田使

見前

紹興營田使

端拱二年二月癸亥遣營田使副

詔曰河朔膏腴之地法井賦作方田

至

道元年六月丁酉募民耕曠土

紹興元年九月丙午

王實為淮南東路營田副使上召對使往鎮江與劉光

世同集其事四年五月甲寅詔淮南帥臣兼營田使知

通縣令銜內兼帶營田令監司守臣條畫屯田利便限

一月聞奏六年二月庚子江西制置大使李綱湖南呂

頤浩兼營田大使辛丑詔宣撫使劉光世韓世忠張浚  
兼營田大使招討岳飛宣副吳玠兼營田使壬寅安撫  
使郭浩等兼營田使都督行府奏改江淮營田為屯田  
七月壬申置營田司

至道勸農使

至道二年八月辛酉以陳靖為京西勸農使按行陳許  
襄鄧等州勸民墾田皇甫選何亮副之 景德三年二  
月丙子詔諸路轉運使副知州府少卿監司刺史以上

並領勸農使餘知州軍通判並兼勸農事 天禧四年

正月丙子改諸道提刑為勸農使副使兼提點刑獄凡

農田事悉領之各賜農田勅十一月乙卯令以提點刑

獄勸農使副為稱 天聖四年中書言諸路提轉皆別

置勸農司文移煩擾三月甲申詔罷勸農司而領使如

故 錢彥遠傳上疏謂宜置勸農司以知州為  
長官通判為佐官幕職州縣官為判官 慶曆四

年八月辛卯命叅政賈昌朝領天下農田 初范仲淹援  
唐故事請以

輔臣分領未有

施為而事寢



農書圖

神農田法

詩甫田以御田祖注先嗇也疏神農始造田法典田大夫以其法教民始教造田謂之田祖先為稼穡謂之先嗇神其農業謂之神農名殊而實同也 郊特牲注先

嗇若神農司嗇若后稷 漢食貨志晁錯引神農之教

曰有石城十仞湯池百步帶甲百萬而亡粟弗能守也  
藝文志農家神農二十篇六國時諸子疾時怠於農

業道耕農事託之神農

劉向別錄云疑李悝商君所說

雜占有神農教

田相土耕種十四卷

孟子有為神農之言者許行

管子神農作植五穀淇山之陽九州之民乃知穀食揆

度篇神農之數曰一穀不登減一穀穀之法十倍 淮

南子世俗之人多尊古而賤今故為道者必託之于神

農黃帝而後能入說神農之播穀因苗以為教 父子

神農之法 劉子神農之法曰丈夫丁壯而不耕天下

有受其飢者婦人當年而不織天下有受其寒者 呂

氏春秋神農之教曰士有當年而不耕則天下或受其

飢矣

呂氏春秋有上農  
任地辨土審時篇

劉孝標世說注引神農書

藝文類聚文選注汜勝之書亦引神農之教

### 周南畷圖

禮遂人凡治野夫間有遂遂上有徑十夫有溝溝上有  
畛百夫有洫洫上有涂千夫有澮澮上有道萬夫有川  
川上有路以達于畿注十夫二隣之田百夫一鄙之田  
千夫二鄙之田萬夫四縣之田遂溝洫澮皆所以通水

於川也遂廣深各二尺溝倍之洫倍溝澮廣二尋深二  
仞徑畛涂道路皆所以通車徒於國都也徑容牛馬畛  
容大車涂容乘車一軌道容二軌路容三軌萬夫者方  
三十三里少半里九而方一同以南畹圖之則遂從溝  
橫洫從澮橫九澮而川周其外焉正義案詩今適南畹  
又南東其畹故以南畹圖之 匠人為溝洫九夫為井  
井間有溝十里為成成間有洫百里為同同間有澮注

此畿內采地之制

采地井田異於  
鄉遂及公邑

漢議賑貸

帝紀文元年三月詔春和議所以賑貸之後六年夏四月大旱蝗發倉庾以振民武元狩三年秋遣謁者勸有水災郡種宿麥舉吏民假貸貧民者以名聞六年六月詔遣博士大等六人循行天下存問鰥寡無以自振業者貸與之元鼎二年夏大水九月遣博士中等分循行吏民有振救飢民免其危者具舉以聞昭始元二年三月遣使振貸貧民無種食者八月詔所振貸種食勿收

責元鳳三年正月詔三年以前所振貸勿收責宣本始  
四年正月詔歲不登已遣使者振貸困乏丞相以下至  
都官令丞入穀輸長安倉助貸地節元年三月假郡國  
貧民田三年三月詔前下詔假公田貸種食其加賜鰥  
寡孤獨高年帛二千石嚴教吏謹視遇毋令失職十月  
詔池籩未御幸者假與貧民流民還歸者假公田貸種  
食元初元元年三月丙午以三輔公田及苑可省者振  
業貧民貲不滿千錢者賦貸種食六月省苑馬以振困

之二年三月詔苑囿池籩假與貧民七月詔民有菜色  
已詔吏虛倉廩開府庫振救賜寒者衣永光元年三月  
詔假田貸種食四年二月詔所貸貧民勿收責建昭四  
年四月遣諫大夫博士賞等二十一人循行存問乏困  
成建始三年三月赦所振貸勿收河平四年正月同三  
月癸丑朔遣光祿大夫博士嘉等十一人行舉瀕河之  
郡水所毀傷困乏不能自存者財振貸鴻嘉元年二月  
詔逋貸未入者勿收四年秋河溢被災者振貸之永始

二年二月乙酉晦詔所振貸勿收

漢汜勝之書 農書

又見上

藝文志農九家神農二十篇野老十七篇

六國時在齊楚間

宰

氏十七篇董安國十六篇尹都尉十四篇趙氏五篇汜

勝之十八篇

成帝時為議郎劉向別錄云使教田三輔有好田者師之徒為御史汜音凡又音教

劔王氏六篇蔡癸一篇

宣帝時以言便宜至弘農太守

九家百一十四

篇農家出於稷官八政一曰食孔子曰所重民食及鄙

者為之欲使君臣並耕諄上下之序 隋志汜勝之書



二卷農五部十九卷

始於  
是書

農者播五穀藝桑麻周官三

農生九穀司稼辨種稂之種周知其名與其所宜地以

為灋而縣于邑閭

唐志尹都尉書三卷

隋志  
無

汜勝之

書二卷

北史蕭大圜云獲菽尋記氏之書露葵證  
尹君之錄 別錄云尹都尉書有種麥篇

月

令注農書曰土長冒櫛陳根可拔耕者急發正義鄭所

引農書先師以為汜勝之書也 國語土乃脉發注農

書曰春土冒櫛陳根可拔耕者急發 詩大田箋將稼

者必先相地之宜而擇其種季冬命民出五種計耦耕

事修耒耜具田器此之謂戒至孟春土長冒櫛陳根可  
拔而事之正義曰出於農書 禮草人掌土化之灋以

物地相宜而為之種驛剛赤緹墳壤渴澤鹹瀉勃壤埴  
壚疆槩輕農注化之使美若汜勝之術也疏漢時農書  
有數家汜勝為上故月令注亦引汜勝 後漢劉般傳

區種增耕注汜勝之書曰上農區田云云 文選養生  
論注汜勝之田農書曰上農區田 王元長策秀才文  
杏花菖葉耕種不愆注汜勝之書曰神農之教無粟者

弗能守也又曰杏始華榮輒耕輕土弱土望杏花落復  
耕之輒藺之此謂一耕而五獲 初學記汜勝之書三

月榆莢雨

藝文類聚汜勝之書雪五穀之精穀帛天

下之命衛尉前上蠶法今上農事人所忽略衛尉勤之  
可謂忠國憂民之至杏花如何可耕白沙 太平御覽

汜勝之奏曰昔湯有旱災伊尹為區田教民糞種負水  
澆稼收至畝百石勝之試為之收至畝四十石御覽又  
引汜勝之書曰種桑法桑至春生一畝食三簿蠶又曰

三月榆莢雨時高地強土可種禾 爾雅釋文汜勝之

種殖書無稷 兒寬水令黃霸鄉亭條教召信臣

均水約束秦彭稻田文簿九真牛耕教於任延桂陽

蠶織教於茨充仇覽為蒲亭長勸生業制科令童恢為

不其令耕織種收皆有條章王景守廬江訓蠶織作法

制著于鄉亭

晉農要

杜預傳拜度支尚書奏立藉田又作人排新器興常平

倉定穀價較鹽運制課調內以利國外以救邊者五十餘條咸寧四年秋大霖雨上疏多陳農要事在食貨志志預上疏曰陂多則土薄水淺潦不下潤宜修繕陂竭以積水大壞充豫州東界諸陂隨其所歸而宣導之分種牛三萬五千頭付二州將吏士庶穀登之後頭責三百斛

賈思勰齊民要術

隋志農家齊民要術十卷賈思勰撰

元魏

唐志農家賈

思魏十卷李淳風演齊人要術

卷七

崇文目農家八部

二十四卷始於齊民要術十卷

齊民要術記民俗歲時  
治生種蒔之事凡九十

二賈元道大農孝經一卷

開寶  
中人

中興書目三卷凡種

藝資生之事畢書

後周竇儼請於齊民要術及四時

纂要韋氏月錄中采其關田蠶園圃之事集為一卷頒

下諸州 宋朝天禧四年八月二十六日利州轉運李

昉請頒行四時纂要齊民要術二書

皆古書陳  
耕植之法

詔館閣

校勘鏤本摹賜又出繪龍封鵝祈禳祕法令長吏遵行

劭農之道備矣

國史志天禧中頒齊民要術于天下教種植蓄養之方

兩朝志

農家十二部十七卷篇

唐兆人本業記中和節進農書

會要垂拱二年四月七日武后撰百寮新誠兆人本業

記頒賜朝集使貞元五年正月十一日以二月一日為

中和節二十八日李泌奏請文武百寮以是日進農書

司農獻種莖之種六年二月戊辰朔舊紀同中和節始令

百官進天后所撰兆人本業記舊紀無二卷呂溫進表云書凡十

二篇成  
三卷

司農獻黍粟種各一斗

一作升 李泌傳百官  
進農書以示務本 柳

宗元進農書三卷狀平扶東作  
虞書立制倣載南畝周雅垂文

文宗太和二年二月庚

戌以宰臣李絳所進天后刪定兆人本業三卷令刺史

舊紀云  
州縣

寫本散鄉閭

志農家類十九家二十六部三

百三十五卷始于范子計然終於武后兆人本業三卷

王方慶草木疏以下十  
一家六十六卷不著錄

書目兆人本業載農俗四時

種蒔之法凡八十事

崇文目  
三卷

唐均田圖



五代史周世宗嘗夜讀書見唐元稹均田圖歎曰此  
致治之本也詔頒其圖法使吏民先習知之期以一

歲大均天下之田

為木偶耕人  
陶穀為頌

崔頌傳世宗讀唐

元稹均田疏命寫為圖賜近臣遣使均諸道租賦

會要見元稹在同州時所上均田表因製素為圖賜

諸道 通鑑後周顯德五年七月丁亥頒均田圖于

諸道十月丁酉命艾穎等二十四人使諸州定民租

元稹集有同州奏均田云因農務稍暇令百姓自

通手實狀又令里正書手等傍為穩審並不遣官吏  
擅到村鄉略無欺隱除去逃荒其餘項畝取兩稅元  
額通計七縣沃瘠一例作分抽稅

咸平國田圖

祥符豐年圖

淳化咸平勸

農奏議

咸平四年十一月丁亥上御龍圖閣召輔臣觀太宗  
草行飛白篆籀八分書及閱古今名畫移御延和殿  
閱張去華所著元元論國田圖上曰經國之道必先

養民務穡為先朕嘗冀邊鄙稍寧兵革粗息則可以

力行其事富庶吾民矣

張去華所著元元論大旨以養民務穡為急真宗嘉之以

緬素寫之為十八軸列置龍圖閣之四壁

祥符四年三月戊子知并州

劉綜獻豐年圖

陳靖多所建言尤於農事為詳取

淳化至咸平以來陳利害表章合三十餘通目曰勸

農奏議錄上之然其說多泥古難盡行

國史志陳靖勸農奏議三

十篇

### 景德農田敕

崇文目五卷 景德元年詔三司使丁謂取戶稅條目

及臣民所陳農田利害編為書謂乃與副使判官崔端

張若谷樂黃目王曾參議刪定成農田敕五卷二年十

月庚辰上之一本云三年正月七日上令雕印頒行民以為便三年

正月庚戌詔頒農田敕于天下二月丙子丁謂又言唐

宇文融置勸農判官檢戶口田土請諸州長吏兼勸農

使事轉運使副兼勸農使詔可勸農使入銜自此始已

丑以農田編敕賜輔臣洎資政大學士王欽若一本云二月癸

未詔郡國  
領勸農事

天禧四年正月丙子詔提刑為勸農使副賜

農田敕

熙寧二年十一月十三日以農田條約頒諸

路

紹聖二年七月命詳定敕令所重編修農田水利

夏竦上廣農頌

見務農類

錢彥遠上勸農疏

高錫

作勸農論

明道土牛經

明道藉田記

見耕藉類

國史志土牛經四篇景祐元年詔日官取舊文刪定丁

度序頒之

實錄景祐元年十月己巳頒諸州軍土牛

經前詔日官取舊文刪校重複為四篇知制誥丁度撰  
序而印行之其牛色及策人衣並以歲月支干納音相  
配 寶元初詔諸州旬上雨雪著為令 月令季冬出  
土牛以送寒氣 鹽鐵論發春而後垂青幡而策土牛  
後漢禮儀志季冬立土牛六頭於國都郡縣城外丑  
地以送大寒立春之日百官衣青衣立青幡施土牛耕  
人于門外以示兆民 東晉勸農賦青幡禁游惰

建炎本政書

建炎三年八月辛酉廣州教授林勳獻本政書十三篇

疆理至地圖今勳以為農貧兵驕宜倣古井田之制使  
本十五篇十卷

民一夫占田五十畝其有羨田之家毋得市田其無田  
與游惰末作皆驅之使為隸農以耕田之羨者而雜紐  
錢穀以為什一之稅本朝二稅之數視唐增至七倍今  
本政之制每十六夫為一井提封百里為三千四百井  
率稅米五萬一千斛錢萬二千緡每井賦二兵馬一匹  
率為兵六千四百人馬三千四百匹歲取五之一以為

上番之額以給征役無事則又分為四番以直官府給  
守衛是民凡三十五年而役始一徧也悉上則歲食米  
萬九千餘斛錢三千六百餘緡無事則減四分之三皆  
以一同租稅供之匹婦之貢絹三尺綿一兩非蠶鄉則  
布六尺麻二兩行之十年則口算酒酤與茶鹽香礬之  
權皆可弛以予民其說甚備書奏以勲為桂州書記其  
後勲又獻比較書二篇

建昌李泰伯著平土書

范如圭有夫田書

程迥有



田賦書 紹興中夏休撰周禮井田譜二十卷 書目

陳粵農書三卷

紹興屯田集議 詳見前

紹興元年九月庚申措置屯田侍御史沈與求言今欲因沿江間田募人屯耕用為籬落兼資儲餉乃陳屯田利害為古今集議上下二卷詔付戶部後亦未克行

紹興耕織圖

紹興中於潛令樓璿畫耕織二圖四十五事為五言詩

四十五章高宗召對以進呈宣示後宮嘉定中樓鑰以是圖上東宮曾安止撰禾譜五卷安止從孫之謹撰農器譜三卷

農器

天田九星在牛宿南天子畿內之田也亦主農器

神農耒耜

易繫辭神農氏作斲木為耜揉木為耒耒耨之利以教天下益取諸益

益震下巽上震巽二木之象木道乃行

釋文耜耒下耨也

廣五寸耒耜上句木也疏明神農取卦造器之義

大庭氏教

民耕農謂之神農獲天雨粟之瑞

周禮匠人耜廣五寸二耜為耦一耦

之伐廣尺深尺謂之剛注古者耜一金兩人併發之今之耜岐頭兩金象古之耦也 車人為耒庇音刺長尺有

一寸中直者三尺有三寸上句者二尺有二寸

耒謂耕耒庇謂

耒下自其庇緣其外以至於首以弦其內六尺有六寸

與步相中也堅地欲直庇柔地欲句庇直庇則利推句庇則利發倨句磬折謂之中地 里宰以歲時合耦于

耒以治稼穡趨其耕耨注兩人相助耦而耕也耒者里

宰治處若今街彈之室於此合耦使相佐助合人耦則

牛耦亦可知也疏周時未有牛耦耕至漢時搜粟都尉

趙過始教民牛耕今鄭云合牛耦可知者或周末兼有

牛耦至趙過乃絕人耦

用必大曰疑耕犁起於春秋之間孔子有犁牛之言冉耕亦字

伯牛月令出土牛示農耕早晚賈誼新書劉向新序載鄒穆公曰百姓飽牛而耕暴背而耘

山虞凡

服耜斬季材注季猶耨也記月令季冬命農計耦耕

事修耒耜具田器孟春天子親載耒耜

注耜者耒之金也廣五寸釋文

字林耒耕曲  
木垂所作

祭義天子為藉千畝躬秉耒 詩三之

日子耜四之日舉趾以我覃耜俶載南畝畋畋良耜俶  
載南畝載芟載柞其耕澤澤千耕其耘徂隰徂畛 齊

語耒耜耜艾擊棗除田以待時耕深耕疾耰以待  
時雨 說文耜耒端木也耒手耕曲木也垂作耒耜以  
振民

周稼器 鑄器

禮遂人以時器勸甿注鑄作耒耜錢鎛之屬 遂大夫

正歲簡稼器修稼政注耒耜鎡基之屬 鄴長歲時簡  
器注稼器也 考工記粵鑄段氏為鑄器注田器錢鑄  
之屬 詩臣工庠乃錢鑄 良耜其鑄斯趙 周語農  
修其疆畔日服其鑄 詩大田箋將稼者必先相地宜  
而擇其種季冬命民出五種計耦耕事修耒耜具田器  
至孟春土長冒櫛陳根可拔而事之 論語長沮桀溺  
耦而耕注耜廣五寸二耜為耦

漢田器 又見代田

列傳晁錯言勸農力本曰為室廬具田器 趙充國上

田處及器用簿 龔遂至渤海救屬縣持鉏鉤田器者

皆為良民 後傳杜詩建武七年遷南陽太守造作水

排鑄為農器力少功多百姓便之 任延建武初守九

真俗不知牛耕乃令鑄作田器教之墾闢田疇歲廣百

姓充給 章紀元和元年二月甲戌詔郡國募人欲徙

他界者恣聽之到在所給公田為雇耕傭賃種餉貫與

田器勿收租

武帝元鼎元年詔江南之地火耕水耨

唐耦耕法 農器

王方翼傳為夏州都督屬牛疫民廢田作方翼為耦耕  
法張機鍵力省而見功多百姓順賴 百官志諸  
治監令鑄兵農之器給軍士屯田 舊紀太和二  
年閏三月丙戌朔內出水車樣令京兆造給鄭白  
渠溉田

唐藉田耒耜

官志司農卿藉田則進耒耜

乾元二年詔去耒耜  
雕刻命有司改造之



淳化踏犂式 景德踏犂式

實錄淳化五年三月癸亥內出踏犂數千分給宋亳人戶先是太子中允武允成獻踏犂一具不用牛以人力運之至是上以宋亳間牛多死求得此制令尚方工官造成數千具先遣直史館陳堯叟齎於宋州大起冶鑄以給與貧民先是借民錢於江淮間市牛未至上以時雨沾足恐耕墾失時也參政蘓易簡曰昔長沮桀溺耦而耕此其遺象也按耦耕以雙耜並耕耳非踏犂之制

也一本以陳頴宋亳民無牛者多自挽犁而耕二月乙

卯命直史館陳堯叟齋踏犁數千具往宋州委本處鑄

造以賜民戶

先是武九成嘗進踏犁至是其制猶存命鑄造賜焉

景德二年正月

戊寅內出踏犁式付河北轉運使令詢訪民間可用則

官造給之河朔戎寇之後耕具頗闕淮楚間民用踏犁

凡四五人力可比牛一具自尚方造樣

二月甲午以河朔民乏農器除

鐵渡河之禁

建炎二年三月二十六日有司言諸道闕耕

牛請下轉運訪求舊制詔可

太宗嘗貸陳蔡民錢使市牛而耕真宗用耿望之言置牛湖南而治屯田

雍熙藉田耒耜

見耕藉類

大中祥符農器圖

二年六月庚子河東轉運杜夢證上子詹所撰農器圖詔褒之六年七月詔農器免稅從知濱州呂夷簡之言也

天聖二年九月辛卯祠太一宮駐輦賜道左耕者茶帛  
九年九月癸亥祠西太一宮賜耕者茶帛

玉海卷一百七十八

欽定四庫全書

玉海卷一百七十九

宋 王應麟 撰

食貨

貢賦

賦出於田自上稅下貢出於土從下獻上

堯制賦

詩甫田正義禹貢云五百里甸服云云注云甸服者堯

制賦其田使入穀禹弼其外百里者賦入總謂入刈禾也二百里銍斷去藁也三百里秭又去穎也四百里入粟五百里入米者遠彌輕也甸服之制本自納總禹為之差使百里者從之耳 六韜帝堯王天下其自奉甚薄其賦役甚寡

禹九州貢法 九州賦法 田賦 見郡國 夏

貢

書禹別九州任土作貢

注禹制九州貢法此堯時事而在夏書之首禹之王以是功

冀州既載

注亮所都也先施貢賦役載於書疏此州帝都先賦後田殊於餘州不言貢篚差於餘州

厥賦惟上上錯

疏上上第一也交錯間雜之義鄭玄云此州入穀不貢

濟河惟充

州厥貢漆絲厥篚織文

注地宜漆林又宜蠶織文錦綺之屬疏縻絲中琴瑟之絃織貝

織如貝文漢世陳留襄邑縣置服官是兗州綾錦美也

海岱惟青州厥貢鹽絺海

物惟錯岱畎絲枲松怪石厥篚縻絲海岱及淮惟徐

州厥貢惟土五色羽畎夏翟嶧陽孤桐泗濱浮磬淮夷

蠙珠暨魚厥篚玄纁縞淮海惟揚州厥貢惟金三品

注金

銀銅也

瑶琨篠簜齒革羽毛惟木厥篚織貝厥包橘柚錫

貢注錫命乃貢言不常荆及衡陽惟荊州厥貢羽毛齒革惟金三

品杞榦栝柏礪砥砮丹惟箇簞楛三邦厥貢厥名包匭

菁茅注齊責楚包茅不入厥篚玄纁璣組九江納錫大龜注龜不常用錫

命乃納之荆河惟豫州厥貢漆枲絺紵厥篚織纊錫貢磬錯

華陽黑水惟梁州厥貢璆鐵銀鏤砮磬熊羆狐狸織皮

黑水西河惟雍州厥貢惟球琳琅玕梁雍有貢無篚以其地不宜也四州

雜賦其上上錯揚下上錯豫錯上中梁下中三錯惟出正賦而無雜賦者五州充青徐荆雍底慎財

賦咸則三壤成賦中邦注上中下田也準則其田以定中園之賦法王氏曰土賦有及



於四夷田賦止  
於中邦而已

五百里甸服百里賦納總

禾

二百里納

銍

禾

三百里納秸服

藁

四百里粟五百里米

注自總至米皆公田

之稅近粗而遠精近者易致遠者難致故也畿內不封建故田賦入天子甫田箋上古稅法近者納總遠者納粟米正義其稅皆當什一但所納有精麤遠輕而近重

正義曰貢賦之法其來久

矣治水之後更復改新非禹始為貢也此所貢與周禮

太宰九貢不殊其賦與周禮九賦全異不言作賦而言

作貢取下供上之義

或曰貢者夏后氏田賦之總名

又曰賦謂稅穀以

供天子因九州差為九等稅俱什一而為九等者人功

有強弱收獲有多少傳以荊州田第八賦第三為人功  
脩雍州田第一賦第六為人功少鄭玄云貢者百工之  
府受而藏之其實於篚者入於女功故以貢篚別之篚  
之所盛皆供衣服之用貢者以所出之穀市其土地所  
生異物獻其所有謂之厥貢亦有不用賦物直隨地所  
有採取以為貢者又曰五服堯之舊制洪水平之後禹  
為節文使賦役有常甸服去京師最近賦稅尤多每於  
百里即為一節侯服稍遠近者供役二百里內各為一

節三百里外共為一節。綏要荒三服去京師益遠每服分為二內三百里為一節外二百里為一節。甸服入穀故首言賦稅侯服以外貢不入穀。孟子夏后氏五十而貢殷人

七十而助周人百畝而徹其實皆什一也。徹徹也助藉也。

注民耕五十畝貢上五畝耕七十畝以七畝助公家百畝徹取十畝為賦。詩正義史傳說助貢之法唯孟子

為明王制公田注引孟子

龍子曰治地莫善於助莫不善於貢。夏

校數歲之中以為常。

禹九州之賦雖曰較數歲之中以為常然歲有豐凶又使之錯出他等之

賦則凶年必無取盈之理孟子所謂不善者特救戰國之失耳禹法實不然也。

史記自虞夏

時貢賦備矣 詩正義禹貢九州之賦法凡有九等 漢食  
貨志禹定九州制土田各因所生遠近賦入貢 裴楸遷有  
無萬國作乂 隋食貨志禹制九等而康歌興 通典禹  
任土作貢分田定稅十一而賦萬國以康 呂氏曰九州之貢  
皆服食器用之物所謂惟正之供 林氏曰八州之貢究雍  
至寡荆揚至多然各因地所宜雖有多寡而無輕重 左  
傳夏貢金九牧 尚書璇璣鈴禹治九貢

殷周軍賦

見兵制

左傳韓賦七邑皆成縣也

成縣賦  
百乘

魯賦八百

乘邾賦六百乘天子之老請帥王賦鄭修車賦倣師徒

悉索敝賦

公羊注十井為一乘公侯封方百里凡千

乘伯四百九十乘子男二百五十乘

論語由也千乘

之國可使治其賦也注孔曰兵賦

三禮義宗兵賦義

曰鄭注周禮軍旅之數云此先王因農事而定軍令也

天子六鄉六遂故有十二軍諸侯三鄉三遂故有六軍

次國二鄉二遂故有四軍小國一鄉一遂故有二軍鄉

為正軍遂為副倅故云天子六軍諸侯大者三軍次二  
軍小一軍皆據正軍而言不數副倅 周禮疏趙商問  
校人職云云荅曰司馬法甸有戎馬四匹長轂一乘此  
為民出軍賦無與於天子國馬之數卿大夫之采地王  
不特置司馬各自使其家臣為司馬主其地之軍賦

夏官

疏禮雜問志云稍縣都鄙地有公邑之民口率出泉於  
土也邦國都無口率之賦唯有軍賦革車匹馬士徒而  
已凡出軍之法先六鄉賦不止次出六遂賦猶不止召

兵於公邑及三等采賦猶不止乃召兵於諸侯大國三軍次國二軍小國一軍此軍等皆出於鄉遂賦猶不止則諸侯有遍境出之法則千乘之賦是也

小司徒

地之所

出唯貢而已口率出錢及軍法乃名賦鄭并言賦者以民有地貢即有錢賦及軍賦故兼言賦且禹貢地貢亦名賦

載師疏

春秋正義案周禮有夫征家征夫征謂出

稅家征謂出車徒給徭役小司徒大比登民數登于天府內史司會冢宰貳之以制國用注人數定而九賦

可知國用乃可制 史通夏書則編於禹貢周書則託  
於王會亦有圖形九州之鼎列狀四荒之經

周畿內貢法

邦國助法

見田制

殷助

見上

孟子請野九一而助國中什一使自賦

詳見後

耕者助而不

稅

使出力助耕公田而不稅其私田

春秋初稅畝胡氏曰譏宣公廢

助法而用稅也

王制古者公田藉而不稅注孟子曰

殷人七十而助古者謂殷時

甫田正義禾庾當在畿

內若畿外則禾取美物以當邦賦不入穀畿內雖有貢



法亦校其歲以為率掌客芻薪倍禾明周法有禾稼之  
稅 說文商人七十而耡藉稅也周禮興耡

古者上下相親上之於下則曰駿發爾私終三十里惟  
恐民食之不給下之於上則曰雨我公田遂及我私惟  
恐公田之不善故助法行而頌聲作矣

周九貢 九賦 九職 九均 九稅 九比

九正 賦貢 九咳經入

禮天官大宰八則五曰賦貢以馭其用

注貢九職之功  
所稅千寶云

賦上所以求下以九職任萬民曰三農生九穀園圃毓  
貢下所以納上

草木虞衡作山澤之材數牧養蕃鳥獸百工飭化八材

商賈阜通貨賄嬪婦化治絲枲臣妾聚斂疏材閒民無

常職轉移執事以九賦斂財賄

注財泉穀也元謂賦口率出泉今之筭泉民或

謂之賦此其舊名

一邦中

在城郭

二四郊

去國百里

三邦甸

二百里

四家

稍

三百里

五邦縣

四百里

六邦都

五百里皆平民

七關市

八山澤九

幣餘

皆未作九賦斂於大宰貳於大府小宰執其貳內府外府掌其入司會總其會計司書叙其財幣職

內辨其物職歲攷其數職幣斂其餘

以九貢致邦國之用

九貢參之一祀

祀

貢

司農云犧牲包茅之屬即浮磬菁茅

二嬪貢

皮帛類玄曰絲帛即絲帛紵紵

三器貢

宗廟

之器玄謂銀鐵石磬丹漆即銀鏤若丹

四幣貢

繡帛玄謂玉馬皮帛即織縞織皮

五材貢

木材謂柁榦柎栢篠籜

六貨貢

珠貝自然之物玄謂金玉龜貝即金玉蠙珠

七服貢

祭服

玄謂絺紵即玄纁織纁

八旒貢

羽毛玄謂燕好珠璣琅玕即羽毛璣組

九物貢

九州之外

各以所貴為贄玄謂雜物魚鹽橘柚

小宰掌執邦之九貢九賦九式之

貳以均財節邦用八成一曰聽政役以比居

注政賦

太

府掌九貢九賦九功之貳以受其貨賄之入

九功謂九職也

關

市之賦以待王之膳服邦中之賦以待賓客四郊之賦

以待稍秣家削之賦以待匪頒邦甸之賦以待工事邦  
縣之賦以待幣帛邦都之賦以待祭祀山澤之賦以待  
喪紀幣餘之賦以待賜予凡邦國之貢以待弔用凡萬  
民之貢以充府庫式貢之餘財以充玩好之用 內府

掌受九貢九賦九功之貨賄

疏地之所出惟貢而已口  
率出錢及軍法乃名賦民

有地貢即有錢賦軍賦 九賦任地九職任民皆行於  
王畿千里之間而王畿之外則隨其地之遠近小大立

為九等  
之貢

司會以九貢之法致邦國之財用以九賦之

法令田野之財用以九貢之法令民職之財用以九式

之法均節邦之財用 司書掌邦之九職九正九事注九

正謂九賦九貢正稅九事 謂九式變言者重其職 凡稅斂掌事者受法 職內

掌邦之賦入辨其財用之物而執其總 典絲掌絲入

而辨其物注絲入謂九職之蠟婦所貢之絲 地官大司徒以土會之

法辨五地之物生以土宜之法辨十有二土之名物以

土均之法辨五物九等制天下之地征以作民職民九職

以令地貢斂財賦賦謂九賦及軍賦 乃分地職九職所宜 制地貢九職

所 頒職事以為地法而待政令頒職事十有二于邦國

都鄙使以登萬民

登之於籍

一曰稼穡二曰樹藝三曰作材

四曰阜蕃五曰飭材六曰通財七曰化材八曰斂材九

曰生材十曰學藝十有一曰世事十有二曰服事

疏曰斂

材已上與大宰同大宰有九此唯八轉移執事闕生材已下四事是民之事業學問鄭司農云自稼穡至生材即九職以閭民解生材後鄭易之 小司徒稽國中及四郊都鄙之夫

家九比之數

注九比冢宰職出九賦之入數

閭師以時徵其賦

注九賦九

貢 凡任民任農以耕事貢九穀

任之以貢大宰任之以職

任圃以樹

事貢草木任工以飭材事貢器物任商以市事貢貨賄

任牧以蓄事貢鳥獸任嬪以女事貢布帛任衡以山事

貢其物任虞以澤事貢其物

九職以虞衡為一此以為二唯有八者但九職有臣

妾及閒民於此不言之

凡無職者

即閒民

出夫布

獨言無職者掌其九賦

載

師任地

見上

縣師以歲時徵野之賦貢

甸稍縣都疏郊內賦貢閭師征

欽郊外賦貢縣師征之遂師旅師斂之

均人均地政

注地征謂地守地職之稅

凶札

無力政財賦

九賦也

遂人<sup>以上</sup>均平政頒職作事令貢

賦遂師入野職野賦于玉府里宰斂其財賦委

人斂野之賦

土均均地貢

諸侯之九貢

角人羽人掌葛

斂于山澤之農當邦賦之政令 司稼以年上下出斂

法 春官大宗伯大均之禮恤眾

注均地政地守地職

夏官大

司馬施貢分職以任邦國

注職謂職稅

以九畿之籍施邦國

之政職凡令賦以地與民制之

司勲惟加田無國正

注正稅也祿田亦有給公家之賦貢若今時侯國有司農少府錢穀

職方氏制其貢各

以其所有 懷方氏致方貢致遠物達之以節

注遠物九州之

外無貢法而至者連貢物以墾節

秋官大行人邦畿方千里其外方

五百里謂之侯服歲一見其貢祀物甸服二歲一見其



貢嬪物男服三歲一見其貢器物采服四歲一見其貢

服物衛服五歲一見其貢財物要服六歲一見其貢貨

物 小行人春入貢

注六服所貢 易氏曰因朝而貢 則行人之六貢也歲之常貢則大

宰之九貢也小行人又有所謂今諸侯春入貢其九貢歟

掌交掌邦國之通事而

結其交好以諭九稅之利

注九稅所稅民九職正義 唯臣妾聚斂䟽材者無稅

左傳昭十三年子產曰天子班貢輕重以列列尊貢重

周之制也卑而貢重者甸服也

注謂天子畿內共職貢者 楚貢包茅晉歸職

王 貢于 國語周史伯曰王者居九畹之田收經入以食

兆民

注九咳九州之極數也楚語曰天子之田九咳以食兆民王取經入焉以食萬官

漢婁

敬傳敬曰周公營雒以四方諸侯納貢職道里均 晉

志一夫之土十畝之宅三日之徭九均之賦 揚子七

賦之所養注五穀桑麻

易氏曰九賦與九職不同鄭氏皆以為民賦且援漢口

率出泉之制王制不明不容不辨邦中之賦即載師廛

里場圃蓋王城內外之地四郊之賦即載師宅田士田

賈田官田牛田賞田牧田蓋六鄉百里之內而外距六

遂之地也邦甸即公邑之田任甸地蓋距國中二百里  
六遂之餘地天子使吏治之也家削即家邑之田任稍  
地蓋距國中三百里大夫所食之采地也邦縣即小都  
之田任縣地蓋距國中四百里卿及王子弟之疏者所  
食之采地也邦都即大都之田任疆地蓋距國中五百  
里公及王子弟之親者所食之采地也關市若與九職  
商賈同此則如司市所言市之征司關所言關門之征  
也山澤若與九職虞衡同此則如什人取金錫玉石角

人取齒角之類也幣餘如職幣所言斂官府都鄙用邦財者之幣振掌事者之餘財也前六者皆任地之賦以其田賦之十一者取於民又於一分之中復以十一十二二十而三輸之於王後三者雖非任地然有司所掌利歸公上故亦謂之賦而繼於任地之後太府一職既有九賦之式又別有邦國及萬民之貢則九賦非任民之賦可知矣

周籍田法  
周徹  
井地大畧

魯語季康子欲以田賦訪諸仲尼仲尼曰先王制土籍

田以力而砥其遠邇

注籍田謂稅也以力謂三十者受田百畝二十者五十畝六十還田

也

賦里以入而量其有無

里廬也計財業以為差胡氏曰商賈所居

任力以

夫而議其老幼

力謂徭役以夫家為數也

於是乎有鰥寡孤疾有軍

旅之出則徵之無則已其歲收田一井出稷禾秉芻缶

米不是過也先王以為足若子季孫欲其法則有周公

之籍矣

籍田之法周公所制也

左傳哀十一年仲尼曰欲行而

法則周公之典在論語學而篇道千乘之國注馬曰

司馬法六尺為步步百為畝畝百為夫夫三為屋屋三為井井十為通通十為成成出革車一乘千乘之賦其地千成居地方三百一十六里有畸唯公侯之封乃能容之包曰古者井田方里為井十井為乘百里之國適千乘也融依周禮包依王制孟子 顏淵篇有若曰盍徹乎鄭注周法什一而稅謂之徹天下之通法 詩公劉度其隰原徹田為糧箋云什一而稅謂之徹正義孟子言周曰徹徹乃周之稅法公劉夏時諸侯而言徹者

召公以周之世上論公劉以其俱是什一其名可以相通崧高徹申伯土田箋云正其井牧定其賦稅 孟子

滕文公問為國孟子曰周人百畝而徹徹者徹也詩云雨我公田遂及我私惟助為有公田雖周亦助也使畢

戰問井地

古井田之法

孟子曰仁政必自經界始經界不正

井地不均穀祿不平經界既正分田制祿可坐而定也請野九一而助國中什一使自賦鄉以下必有圭田圭田五十畝餘夫二十五畝方里而井井九百畝其中為

公田八家皆私百畝同養公田此其大略也注九一者  
井田以九頃為數而供什一郊野之賦也助殷家稅名  
周亦用之龍子所謂莫善於助也時諸侯不行助法國  
中什一者周禮園廬二十而稅一時行重賦責之什一  
也孟子欲使野人如助法什一而稅之國中從其本賦  
二十而稅一以寬之集注曰野郊外都鄙之地也九一  
而助為公田而行助法也國中郊門之內鄉遂之地也  
田不井授但為溝洫使什而自賦其一蓋用貢法也周



之所謂徹法者蓋如此世祿常制之外又有圭田以厚君子百畝常制之外又有餘夫之田以厚野人公田以爲君子之祿而私田野人之所受先公後私以別君子野人之分上言野及國中二法此獨詳於治野者國中貢法當世已行但取之過於什一爾井地之法諸侯皆去其籍此特其大畧而已徹通也均也周制一夫受田百畝而與同溝共井之人通力合作計畝均收大率民得其九公取其一故謂之徹

周禮稅法

戴師注周稅輕近而重遠近者多役也疏異義第五田  
稅今春秋公羊說十一而稅周禮國中園廛之賦二十  
而稅一近郊十而稅一遠郊二十而稅三有軍旅之歲  
一井九夫百畷之賦出禾二百四十斛芻秉二百四十  
六釜米十六斗案公羊十一稅遠近無差漢制收租田  
有上中下與周禮同義鄭玄之聞也周禮制稅法輕近  
而重遠者近者勞遠者逸故也漢無授田之法與周禮

同義未之思也又周禮無云出禾芻秉釜米之事若然  
周禮稅法據王畿公羊稅法據諸侯邦國諸侯邦國無  
遠近之差者以其國地狹少役賦事暇

左傳注

宣十五年

周法民耕百畝公田十畝借民力而治之稅不過此

三禮義宗周禮天子畿內稅民之法有二一曰貢二曰

賦貢謂有職任而收其稅賦者計其可任而口率出錢

諸侯貢稅雖俱什一而郊內郊外收籍不同

甫田正

義食貨志云井方一里是九夫八家共之各受私田百

畝公田十畝是為八百八十畝餘二十畝為廬舍其言  
取孟子為說而失其本旨班固既有此言由是羣儒遂  
謬何休之注公羊范甯之解穀梁趙岐之注孟子宋均  
之說樂緯咸以為然皆義異於鄭理不可通何則言井  
九百畝其中為公田則中央百畝共為公田不得家取  
十畝也八家皆私百畝則百畝皆屬公矣何得復以二  
十畝為廬舍也言同養公田是八家共理公事何得家  
分十畝自治之也為廬舍則家別二畝半亦入私矣則

家別私有百二畝半何得為八家皆私百畝也此皆諸  
儒之謬鄭於匠人注云野九夫而稅一此箋云井稅一  
夫其田百畝歲取為稅斂之言十千即期限之數參之  
於司馬之書校之於一成之稅其數正允箋云歲取十  
千於井田之  
法則一成之數也通十為成  
成方十里成稅百夫其田萬畝

魯稅畝 田賦

春秋宣公十五年秋初稅畝

杜氏注公田之法十取其  
一今又履其餘畝復十收

其一故哀公曰二吾猶  
不足遂以為常故曰初

左氏傳初稅畝非禮也穀出不

過藉以豐財也

注周法民耕百畝公田十畝  
借民力而治之稅不過此

穀梁古者

什一藉而不稅非公之去公田而履畝十取一也

注私  
得其

什官稅具一  
故曰什一

公羊譏始履畝而稅也古者什一而藉什

一者天下之中正什一行而頌聲作矣 哀公十二年

春用田賦左傳注別其田及家財各為一賦公羊注田

賦若今漢家斂民錢以田為率禮稅民公田不過什一

軍賦十井不過一乘胡氏傳田以出粟為主而足食賦

以出軍為主而足兵今用田賦軍旅之征非矣

家語季  
氏以一

井田出賦法 畝本籍而為稅井本稅  
而為賦丘本賦而為甲皆自四而增

左氏傳昭公

四年九月鄭子產作丘賦注丘十六井當出馬一匹牛

三頭今子產則賦其田如魯之田賦

服虔以為子產作丘賦賦此一丘之

田使之出一馬  
三牛復古法耳

哀二年初周人與范氏田公孫尤稅

焉十一年夏陳轅頗為司徒賦封田

注封內之田  
悉賦稅之

王制

千里之內曰甸千里之外曰采注甸謂服治田出穀稅  
曰采九州之地內取其美物以當穀稅也又疏曰鄭荅  
臨碩云王畿方千里者凡九百萬夫之地三分去一定

受田者三百萬夫出都家之田以其餘地之稅祿無田者管子桓公踐位十九年弛關市之征五十而取一賦祿以粟案田而稅二歲而稅一上年什取三中年什取二下年什取一歲飢不稅歲飢弛而稅史記年表秦孝公十四年初為賦秦有口賦

漢算賦

紀高帝四年八月初為算賦

注如淳曰漢儀注民年十五以上至五十六出賦錢



人百二十為一算治庫兵車馬二年五月注如淳曰律年二十三傳之嗜官

惠帝六年冬

十月令女子年十五以上至三十不嫁五算

注應邵曰漢律人出

一算算百二十錢唯賈人與奴婢倍算令使五算罪謫之也

賈捐之傳孝文偃武

行文民賦四十丁男三年一事

注如淳曰常賦歲百二十歲一事時天下民多

故出賦四十歲一事

賈山傳禮高年九十者一子不事八十

者二算不事

景紀二年冬十二月令天下男子年二

十始傅

注舊法二十三

後二年五月詔令訾算十以上迺得官

朕甚愍之

注服虔曰訾萬錢算百二十七也應劭曰十算十萬也賈人有財不得為吏廉士無訾不

得官故減  
嘗四算

嘗算四得官

武紀建元元年春二月赦天

下年八十復二算九十復甲卒

注張晏曰二算復二口之算復甲卒不豫革車

賦之

鹽鐵論御史曰今陛下寬力役之政二十三始賦

五十六而免 賈捐之傳孝武時民賦數百 宣紀地

節三年十月詔流民還歸者且勿算事

注師古曰不出算賦及給徭役

甘露二年正月詔減民算三十

一算減錢三十

成紀建始二

年正月辛巳詔減天下賦錢算四十

注孟康曰本算百二十今減四十為

十八 周禮注寬疾若今癘不可事不算卒可事者半之

也

大司徒注

老者謂若今八十九十復羨卒也

鄉大夫注

賦口率

出泉也今之算泉民或謂之賦此其舊名與闕市山澤

謂占會百物幣餘謂占賣國中斤幣皆未作當增賦者

若今賈人倍算矣

大宰注

晁錯傳秦之發卒也死事之

後不得一算之復

食化貨錯論貴粟曰令民有車騎

馬一匹者復卒三人

如淳曰復三卒之算錢也或曰除三夫不作甲卒也師古曰當為卒

者免其三人不為卒者復其錢

車騎天下武備故為復卒

西域傳征

和中詔曰前有司奏欲益民賦口三十助邊用

師古曰每口轉

增三十錢也是重困老弱孤獨也當今務在禁苛暴止擅賦

文選王元長策秀才文充都內之金注桓子新論曰

漢宣已來百姓賦錢一歲餘二十萬藏於都內 紀武

帝元光六年冬初筭商車元狩四年冬初筭緡錢

千錢出筭二十元封元年登封詔四縣無出今年筭

自博至梁父

昭帝元鳳二年六月令三輔太常郡得以菽粟當賦

後紀章帝元和元年二月甲戌募人耕公田與田器勿

收租五歲除筭三年二年正月乙酉詔曰令云人有產

子復勿算三歲今復其夫勿算一歲高帝七年春民產子復勿事五歲

光武建武中民有產子者復以三年之算後漢書論漢法常以八月算民

漢儀注曰八月初為算賦

### 漢田租

帝紀高帝元年四月留蕭何收巴蜀租給軍糧食二年

二月癸未蜀漢民給軍事勞苦復勿租稅二歲復者除其賦役

也十一年冬諸縣堅守者復租三歲 惠帝高十二年

即位五月丙寅減田租復十五稅一鄧展曰漢家初十五稅一中間廢今

復

文帝二年九月詔賜天下民今年田租之半三年

復晉陽中都民三歲租十二年三月詔賜農民今年租

稅之半十三年六月詔曰農墜身從事而有租稅之賦

本末無以異其餘田之租稅

李奇曰官農與賈俱出租無異故除田租

景

帝元年五月令田半租 武帝元封元年除四縣民田

租四年賜汾陰等三縣無出今年租賦五年四月赦天

下所幸縣無出今年租賦 昭帝始元二年詔毋令民

出今年田租 宣帝本始五年五月鳳皇集赦天下租

稅勿收四年四月壬寅地震勿收租賦大赦神爵元年  
詔所過無出今年田租甘露三年二月詔毋出今年租  
元帝初元元年夏四月詔曰關東今年穀不登毋出  
田租 成帝建始元年十二月郡國被災什四以上毋  
收田租 食貨志高祖約法省禁輕田租十五而稅一  
量吏祿度官用以賦於民文帝時晁錯說上曰使天下  
人入粟於邊以受爵免罪邊食足支五歲可令入粟郡  
縣足支一歲以上可時赦勿收農民租上從其言迺下

詔賜民十二年租稅之半明年遂除田之租稅後十三年孝景二年令民半出田租三十而稅一武帝時董仲舒說曰秦除井田田租口賦鹽鐵之利二十倍於古或耕豪民之田見稅十五漢興循而未改宜限民名田

溝洫志元鼎六年上曰今內史稻田租挈重不與郡同其議減注租挈收田租之約令也 列傳貢禹上書以

為今農夫已奉穀租又出棗稅鄉部私求不可勝供宜

除其租銖之律

師古曰租稅之法皆依田畝不得雜計百物之銖兩

兒寬為左



內史以負租課殿當免民輸租經屬課更以最何武弟顯家有市籍租常不入縣數負其課後紀光武建

武六年十二月癸巳詔曰頃者師旅未解用度不足故行什一之稅令軍士屯田糧儲差積其令郡國以見田租三十稅一如舊制二十二年令南陽勿收今年田租中元元年四月己卯改元勿出今年田租二年九月赦隴西勿收今年租調明帝永平五年十月常山三老言於帝曰上生於元氏願蒙優復其復元氏田租更賦

六歲 章帝元和二年二月丙子復博奉高羸無出今年田租芻橐 和帝永平元年三月庚寅復流民田租安帝元初元年十月乙卯詔除三輔三歲田租更賦口算 順帝永建元年十月甲辰令人半輸今年田租永平四年六年九年十二年十四年十六年元初元年延光元年三年永建元年三年六年永和三年延熹八年已上並勿收田租芻橐 禮司稼以年之上下出斂灋注若今十傷二三實除減半

史記年表秦簡公七年初稅禾

秦作阿房收大半之賦

### 漢獻賦

帝紀高帝十一年二月詔曰欲省賦甚今獻未有程吏或多賦以為獻而諸侯王尤多民疾之令諸侯王通侯常以十月朝獻及郡各以其口數率人歲六十三錢以給獻費文帝元年六月令郡國無來獻施惠天下諸侯四夷遠近歡洽後六年夏四月令諸侯無入貢景帝後二年四月詔不受獻減大官省繇賦後紀安帝

永初五年二月丁卯詔省減郡國貢獻 順帝永建四年五月桂陽獻大珠封以還之 隋志漢之常科土貢方物

漢軍賦

即算賦

惠紀高二十年五月丙寅即位令吏六百石以上及故吏嘗佩將軍都尉印將兵及佩二千石官印者家唯給軍賦他無有所與 食貨志殷周之盛云云有賦有稅稅謂公田什一及工商衡虞之入賦共車馬兵甲士徒

之役

秦頭會算敘以供軍費

### 漢口賦

帝紀昭帝元鳳二年六月詔曰朕閔百姓未贍頗省乘輿馬及苑馬以補邊三輔傳馬其令郡國毋斂今年馬

口錢

租及六畜

三輔太常郡得以菽粟當賦四年春正月丁

亥帝加元服毋收四年五年口賦

儀注民年七歲至十四出口賦者錢人二

十三二十錢以食天子其三錢者武帝加口錢以補車騎馬

元鳳元年春二月詔減

口賦錢有司奏請減什三上許之 宣帝五鳳三年三

月詔減天下口錢 貢禹傳禹以為古民無賦筭口錢  
起武帝征伐四夷重賦於民產子三歲則出口錢故民  
重困至於生子輒殺甚可悲痛宜令兒七歲去齒乃出  
口錢年二十乃筭天子下其議令民產子七歲乃出口  
錢自此始 後紀光武建武二十二年九月詔曰其口  
賦逋稅勿收責 明帝永平九年春三月辛丑詔郡國  
死罪囚減罪與妻子詣五原朔方又復其口筭 安帝  
永初四年正月辛卯詔三輔人庶流冗除三年逋租過

更口算芻橐元初元年十月乙卯詔除三輔三歲田租  
更賦口算六年四月會稽除田租口賦建光元年十一  
月地震被災甚者勿收口賦 順帝永建三年正月乙  
未詔勿收漢陽田租口賦陽嘉元年三月稟冀州貧民  
勿收更租口賦永和三年春地震除今年田租尤甚者  
勿收口賦 食貨志董仲舒曰秦田租口賦鹽鐵之利  
二十倍於古 鹽鐵論文學曰今田雖三十而頃畝出  
稅加以口賦更繇之役率一人之作中分其功農夫悉

其所得或假貸而益之

漢更賦 繇賦

帝紀文帝二年十一月詔省繇費以便民 景帝後二  
年四月詔省繇賦 昭帝元鳳四年正月丁亥帝加元  
服三年以前逋更賦未入者皆勿收注如淳曰更有三  
品有卒更有踐更有過更古者正卒無常人皆當迭為  
之一月一更是謂卒更也貧者欲得顧更錢次直者出  
錢顧之月二千是謂踐更也天下人皆直戍邊三日亦



名為更律所謂繇戍也雖丞相子亦在戍邊之調不可  
人人自行三日戍又行者當自戍三日不可往便還因  
更佳一歲一更諸不行者出錢三百入官官以給戍者  
是為過更也律說卒踐更者居也居更縣中五月乃更  
也後從尉律卒踐更一月休十一月也食貨志曰

董仲舒云

月為更卒已復為正一歲屯戍一歲力役三十倍於古  
此漢初因秦法而行之也

董仲舒曰漢興循而未改謂  
卒歲歲一月正卒二歲大畧

與秦相似 正謂二十三  
歲使應為衛士材官者

後遂改易有謫乃戍邊一歲

耳逋未出更錢者也師古曰更卒謂給郡縣一月而更

正卒謂給中都官者 元平元年二月詔減外繇霍光

知時務之要輕繇薄賦與民休息 宣帝五鳳四年正

月以邊塞亡寇減戍卒什二 元帝永光三年冬用度

不足民多復除無以給中外繇役 百官表爵四不更

言不豫更卒之事也

十二左更十三中更十四右更

言主領更卒部其役使也

溝洫志河平元年卒治河者為著外繇六月

注以卒治河有

勞雖執役日近皆得此繇成六月也著著簿籍也

後二歲治河卒非受平賈者

為著外繇六月

注律說平賈一月得錢二千

王子侯表祚陽侯劉

仁坐擅興繇賦削爵 功臣表東茅侯劉到坐事國人

過員免

文十 六年

信武侯靳亭祝阿侯高成文後三年坐事

國人過律免

列傳賈誼上疏淮南地遠者或數千里

吏民繇役往來長安者自悉而補中道衣敝錢用諸費

稱此 晁錯言今遠方之卒守塞一歲而更 賈山言

周用民力不過歲三日什一而籍陛下減外徭衛卒

霍去病率師征匈奴渾邪王降減隴西北地上郡戍卒

之半以寬天下繇役

史記文十二  
年除戍卒令

吳王濞其居國以

銅鹽故百姓無賦卒踐更輒予平賈注師古曰謂庸直

也服虔曰當為更卒出錢三百謂過更自行為卒謂踐

更晉灼曰謂借人自代為卒者官為出錢顧其時庸師

古曰晉說是卜式賜外繇四百人

蘇林曰外繇謂戍  
邊也一人出三百

錢謂之過更式歲  
得十二萬錢也

段會宗為西域都護西域敬其威

信三歲更盡還

如淳曰邊吏三歲一  
更下言終更是也

魏相河南卒戍

中都官者二三千人

師古曰若今衛士  
上番分守諸司

蓋寬饒衛卒

數千人願復留共更一年身為司隸子常步行自成北

邊

不取代

翟方進綏和二年賜冊曰君聽羣下言用度不

足秦請一切增賦稅城郭墮及田園過更算馬牛羊

谷永止諸繕治宮室闕更減賦盡休力役

注更卒也

文翁

為蜀郡守修起學官招下縣子弟為學宮子弟為除更

繇

循吏

郭解陰請尉史曰是人吾所重至踐更而脫之

每至直更數過吏弗求

游俠

王莽傳漢氏減輕田租三十

而稅一常有更賦罷癘咸出貨殖傳農工商賈率歲

萬息二千百萬之家即二十萬而更繇租賦出其中

史大事記高后五年初令戍卒歲更

詩曰昔我往矣楊柳依依今我

來思雨雪霏霏則周初之戍期一年半而更也齊戎葵丘瓜時而往及瓜而代則春秋時之戍期一年而更也

補兵志更卒非正卒也人直一月猶踐履而去若顧

人為之當隨其月緩急貴賤為之直謂之平賈漢錢重不得定為二千也若不直而入錢於官是為更賦其番上尉主之其不役而收其直謂之更賦更卒給郡國歲一月不役者官收其庸其輕重未詳唐法歲役二旬不

役者收其庸日絹三尺過更言三日之戍過之即更猶更率一月名踐更也非謂出錢入官乃名過更 索隱

案姚氏云古者更卒不過一月踐更五月而休又顏云五當為三一歲之中三月居更三日戍邊總九十三日此所謂一歲力役三十倍於古 鹽鐵論賢良曰古者

天子封畿千里繇役五百里無踰時之役 後紀光武

建武五年十二月詔復濟陽三年徭役 二十一年十二月壬寅復六歲

三十年 六年正月章陵世世復徭役比豐沛十三年文

書調役務從簡寡 明帝中元二年九月羌寇隴西發

天水三千人復是歲更賦

顧更之錢

永平五年冬十月復元

氏田租更賦六歲 和帝永元六年三月庚寅詔流民

還歸者復一歲田租更賦 安帝永初四年正月辛卯

詔三輔除三年逋租過更 順帝永建五年四月辛巳

詔郡國貧人勿收今年過更永和四年八月癸丑以太

原旱民流遣光祿大夫案行稟貸除更賦 虞詡傳永

平章和中州縣以走卒錢給貸貧人

走卒伍伯之類

令出資錢



不役其身 仲長統傳昌言曰可為法制畫一定科租  
稅十一更賦如舊 板楯蠻夷傳程包對曰長吏鄉亭  
更賦至重

漢海租 蠻夷租賦

食貨志五鳳中耿壽昌白增海租三倍蕭望之奏御史  
屬徐宮家在東萊言往年加海租魚不出武帝時縣官  
嘗自漁魚不出復予民魚乃出 平紀元始元年置少

府海承

師古曰  
主海稅

馮唐傳魏尚守雲中軍市租以給士

卒 高五王傳主父偃曰齊臨菑十萬戶市租千金

後漢傳秦置黔中郡漢改武陵歲令大人輸布一匹小  
口二丈是為實布順帝永和元年武陵太守上書以蠻  
夷率服可比漢人增租賦尚書令虞詡奏增之必怨叛  
帝不從其冬蠻爭貢布非舊約遂叛秦惠王并巴中君  
長歲出賦二千一十六錢三歲一出義賦千八百錢民  
戶出帛布八丈二尺鷄羽三十錐漢興南郡守靳彊請  
依秦故事秦昭王復板楯夷人頃田不租十妻不筭殺

人以俛錢贖高祖發夷人定三秦復渠帥七姓不輸租  
賦餘戶歲入實錢口四十永平中鄭純與哀牢夷人約  
邑豪歲輸布貫頭衣二領鹽一斛為常賦禹貢蠻夷  
言貢而不言賦蓋荒服之地則異三壤什一之法所不  
及

晉戶調式

通典晉武帝平吳之後制戶調之式丁男之戶歲輸絹  
三匹綿三斤女及次丁男為戶者半輸其邊郡或三分

之二遠者三分之一夷人輸實布戶一匹遠者一丈不課田者輸義米戶三斛遠者五斗極遠者輸筭錢二十八文成帝咸和五年始度百姓田取十分之一率畝稅米三升哀帝減田租畝收二升孝武太元二年除度田收租之制公王以下口稅三斛八年又增稅米口五石

志同

隋減賦役

食貨志隋初依周制役丁為十二番開皇三年減十二

番每歲為三十日役減調絹一匹為二丈初蘓威父綽  
在西魏世以國用不足為稅法頗重歎曰今所為如張  
弓後之君子誰能弛乎威為納言奏減賦役從之

### 唐賦役法

紀武德二年二月十四日乙酉初定租庸調法 會要  
武德六年三月令每歲一造帳三年一造籍七年三月  
二十九日始定均田賦稅寶曆二年正月戶部侍郎崔  
元畧奏準賦役令云云 六典唐賦役之制有四一曰

租二曰調三曰役四曰雜徭

注開元二十三年以天下無事敕減諸司色役一十

二萬二百九十四

嶺南諸州則稅米上戶一石二斗次戶八斗

下戶六斗若夷獠之戶皆從半輸蕃胡內附者上戶丁

稅錢十文次戶五文下戶免附經二年者上戶丁輸羊

二口次戶一口下戶三戶共一口 食貨志唐授人以

口分世業取之以租庸調之法凡授田丁歲輸粟二斛

稻三斛謂之租

陸宣公奏議云丁男一人受田百畝歲納租粟二石

丁隨鄉所出

歲輸絹二匹綾絕二丈布加五之一綿三兩麻三斤非

蠶鄉則輸銀十四兩謂之調

陸云每丁各隨鄉土所出歲輸綾若純共二丈綿三

兩其無蠶則輸布二丈五尺麻三斤

用人力歲二十日閏加二日不役者

日為絹三尺謂之庸有事而加役二十五日免調

六典云旬

有五日常調會要租二石絹一文綿三兩有事加役旬有五日常免調

三十日者租調皆

免通正役不過五十日凡里有手實歲終具民之年與

地闊狹為鄉帳鄉成於縣縣成於州州成於戶部又有

計帳具來歲課役以報度支國有所須先奏而斂水旱

霜蝗耗十四者免租桑麻盡者免調田耗十六者免租

調耗十七者諸役皆免凡新附之戶春以三月免役夏以六月免課秋以九月課役皆免配租以斂獲早晚險易遠近為差庸調輸以八月發以九月同時輸者先遠民皆自槩量州府歲市土所出為貢其價視絹之上下無過五十匹異物非有詔不獻有加配以代租賦玄宗初立蠲徭役者給蠲符以流外及九品京官為蠲使歲再遣之開元八年正月二十日頒租庸調法于天下好不過精惡不至濫闕者一尺八寸長者四丈開元十六年



十八年 十一日 詔每三歲以九等定籍而庸調折租所取華好

先是揚州租調以錢嶺南以米安南以絲益州以羅紬

綾絹供春絲因詔江南亦以布代租中書令李林甫為

長行旨以授朝集使

二十四年戶部修長行旨條五卷以租庸丁防和糴春絲稅草無定

法也凡庸調租皆任土所宜州縣長官涖定麤良二十五

年以江淮輸運有河洛之艱而關中蠶桑少菽粟賤令

庸調皆以米凶年樂輸布絹亦從之河南北不通運州

租皆為絹代關中庸天寶五載詔貧者每鄉免三十丁

租庸天下歲入租錢二百餘萬緡粟千九百八十餘萬斛調絹七百四十萬匹綿百八十餘萬屯布千三十五

萬餘端肅宗初第五琦請於江淮置租庸使

韋倫為荆襄道租庸

使收租庸二百萬緡

吳鹽蜀麻銅冶皆有稅廣德元年詔戶三丁

免一丁凡畝稅二升大歷元年天下苗一畝稅錢十五

號青苗錢又地頭錢每畝二十上都秋稅分二等五年

始定法夏上田畝稅六升秋上田畝稅五升青苗錢畝

加倍陸贄疏云國家賦役之法曰租曰調曰庸其取法

遠其斂財均其域人固有田則有租有家則有調有身  
則有庸天下為家法制均一雖轉徙莫容其姦故人無  
搖心天寶之季海內波蕩版圖隳於避地賦法壞於奉  
軍賦役舊法行之百年人以為便兵興供億不常誅求  
隳制此時弊非法弊也

非力所出則不征  
非土所有則不貢

### 唐十道貢賦

六典戶部郎中凡天下十道任土所出而為貢賦之差

志云掌戶口土田賦役貢獻 舊額貢獻多非土物開  
元二十五年敕令中書門下對朝集使隨便條革以為

定準 闕輔寡蠶詔納米粟其河南河北非通澧州皆  
調絹 大府卿絹分為八等布分為九等 貞元元年

十二月戶部奏貢物至  
者州府一百五十六

地理志太宗因山川形便分

天下為十道一曰關內道厥賦絹綿布麻厥貢毛羽革

角布席弓刀二曰河南道厥賦絹絕綿布厥貢絲布葛

席埏埴盎缶三曰河東道厥賦布襴厥貢布席豹尾熊

皮鵬羽

六典有墨蠟  
石英麝參

四曰河北道厥賦絲絹厥貢羅綾

紬紗鳳翮葦席五曰山南道厥賦絹布綿紬厥貢金絲

紵漆

六典有鐵  
麝殼綾

六曰隴右道厥賦布麻厥貢金屑礪石

鳥獸革角七曰淮南道厥賦絹絕綿布厥貢絲布紵葛

六典揚州  
貢青銅鏡

八曰江南道厥賦麻紵厥貢金銀紗綾蕉葛

綿練絞革藤紙丹沙九曰劔南道厥賦絹綿葛紵厥貢

金布絲葛羅綾綿紬羚羊尾十曰嶺南道厥賦蕉紵

落麻厥貢金銀孔翠犀象綠藤竹布百官志度支掌

天下租賦物產豐約之宜水陸道涂之利歲計所出而

支調之以近及遠太府卿凡四方貢賦百官俸秩謹其

出納賦物任土所出定精麤之差丞四人元日冬至以

方物陳于庭者受而進之

元和十二年十二月淮西中  
先蔡等州貢物戶部奏以元

日陳於樂縣之  
南用示中外

左藏令掌天下賦調卿及御史監閱

張廷珪傳景龍中詔河南北兩道蠶產所宜雖水旱得  
以蠶折租廷珪謂股肱走集安可殫其力願依貞觀永  
徽故事準令折免詔可 崔衍傳遷宣歙池觀察使宣  
歙舊貢金錫凡十八品皆倍直市于它州衍蠲革之  
通典按令文諸郡貢獻皆盡當土所出準絹為價多不  
過五十匹並以官物充市所貢至薄其物易供

唐停歲貢 省貢獻

紀永徽六年十一月戊子停諸州貢珠儀鳳三年十月  
丙申停劔南隴右歲貢開耀元年正月己亥省諸方貢  
獻開元二年七月乙未焚錦繡珠玉于前殿戊戌禁采  
珠玉廢織錦坊大厯十四年閏五月丙子德宗罷諸州  
府及新羅渤海貢鷹鷄戊寅罷山南貢枇杷江南柑橘  
非供宗廟者辛巳罷邕府歲貢奴婢癸未罷劔南貢生  
春酒丙戌罷獻祥瑞貢器以金銀飾者還之六月己亥

減乘輿服御已未罷揚州路貢鏡幽州貢麝十月戊午  
罷九成宮貢立獸炭襄州蔗蕪工元和四年閏月己酉  
禁刺史境內權率諸道旨條外進獻大中九年七月庚  
申罷淮南宣歙浙西冬至元日常貢以代下戶租稅  
順宗罷鹽鐵使月進

唐兩稅法

德宗紀建中元年二月丙申初定兩稅

舊紀道點陟  
使分行天下

食貨志租庸調之法以人丁為本自開元後天下戶籍久



不更造丁口轉死田畝貿易貧富升降不實其後國家  
侈費無節而大盜起兵興財用益屈而租庸調法弊壞

一本云所在賦斂迫趣取辦無復常準賦斂之司各隨  
意征科自日色日民富者丁少率為官為僧以免課役  
而貧者丁多無所伏匿故上戶優而下  
戶勞民率徒為浮戶土著者百無五 自代宗時始以

畝定稅而斂以夏秋至德宗相楊炎遂作兩稅法夏輸

無過六月秋輸無過十一月置兩稅使以總之

建中三  
年八月

初分置汴東西水陸運兩稅監鐵使  
十二月二十日包吉崔縱分為之 量出制入戶無主

客以居者為簿人無丁中以貧富為差商賈稅三十之

一與居者均役田稅視大厯十四年墾田之數為定遣  
黜陟之使按比諸道丁產等級免鰥寡孤獨不濟者敢  
有加斂以枉法論議者以租庸調高祖太宗之法也不  
可輕改而德宗方信用炎不疑舊戶三百八十萬五千  
使者按比得主戶三百八十萬客戶三十萬自是人  
不土斷而地著賦不加斂而增入版籍不造而得其虛實  
吏不戒而奸無所取歲斂錢二千五十餘萬緡米四百  
萬斛以供外錢九百五十餘萬緡米一千六百餘萬斛

以供京師稅法既行民力未及寬而朱滔王武俊田悅合從而叛用並不給 通典建中初分命黜陟使往諸

道收戶口及錢穀名數每歲天下共斂三十餘萬貫五千

百萬貫供外費九百五千餘萬供京師 稅米麥千六百餘萬石二百餘萬石供京師

十四百萬 供外費 會要大歷四年正月十八日敕王公已下宜

准度支長行旨條稅錢上上戶四千下下戶五百其見

在官一品准上上戶稅九品准下下戶稅志大歷元年詔天下苗一

畝稅鈔十五以閏用急不及秋方苗青即征之號青苗錢又有地頭錢每畝二十通名為青苗錢又詔上都秋

稅分二等上等畝稅一斗下等六升荒田二升五年始  
定法夏上田畝稅六升下田四升秋上田畝稅五升下  
田三升荒田如故青苗錢畝加一倍而地頭錢  
不在焉紀廣德二年七月庚子初稅青苗建中元

年正月五日辛未遣黜陟使與觀察使及刺史轉運所  
由計百姓及客等約丁產定等第均率作年支兩稅如  
當處土風不便更立一限其比來徵科色目一切停罷  
二月十一日丙申仍與觀察使刺史計人產等級為兩  
稅法此外斂者以枉法論八月宰相楊炎上疏奏曰至  
德之後軍國之用仰給於度支轉運二使四方征鎮又

自給於節度團練使朝廷不能覆諸使諸司不能覆諸州四方貢獻悉入內庫今請作兩稅法以一其名三年五月初加稅時淮南節度陳少游請於當道兩稅錢每一千加稅二百度支因請諸道悉加之貞元八年四月劍南西川觀察使韋臯奏請加稅什二以增給官吏從之志貞元四年詔天下兩稅審等第高下三年一定戶度支稅物頒諸司皆增本價為虛估謂之折納復有進奉宣索名顧和市比大厯之數再倍陸贄請釐革其

甚害者大畧有六國家賦役之法此時弊非法弊也兩  
稅新制取大厯中一年科率多者為兩稅定法此采非  
法之權令以為經制總無名之暴賦而立常規也兩稅  
以資產為宗不以丁身為本資產少者稅輕多者稅重  
計估筭緝失平長偽挾輕貨轉徙者脫徭稅篤本業者  
困斂求此誘之為姦毆之避役一曰請每道以知兩稅  
判官一人與度支叅計戶數量土地肥瘠物產多少為  
二等二曰復庸調舊制隨土所宜三曰租以去歲輸數

為常罷據額所率者增闢勿益租廢耕不降數四曰蠶  
事方興而輸縑農功未艾而斂穀宜定稅期隨風俗時  
候五曰時稔則廣糴小歉則借貸六曰為占田條限事  
無施行者憲宗罷除官受代進奉及諸道兩稅外權分  
天下之賦以為三一曰上供二曰送使三曰留州元和  
四年十二月宰相裴均又令諸道節度觀察調費取於  
所治州不足則取於屬州而屬州送使之餘與其上供  
者皆輸度支穆宗即位罷諸道貢獻自建中定兩稅而

物輕錢重民以為患至是四十年為絹二疋半者為八匹率加三倍元和十五年閏正月十七日詔百官議革弊戶部尚書楊於陵曰宜使天下兩稅權酒鹽利上供及留州送使錢悉輸以布帛穀粟宰相善其議元和十五年八月由是兩稅上供留州皆易以布帛絲縷租庸課不計錢而納布帛唯鹽酒計錢

長慶元年正月詔河北諸道均定兩稅九

月詔兩稅皆輸布絲縷

會要元和四年六月詔兩稅法不定物

估爰命帖職周視四方以揚子鹽鐵留後為江淮已南



兩稅使江陵留後為荆衡漢沔東界彭蠡南及日南兩  
稅使度支山南西道分巡院官充三川兩稅使收復淄  
青十二州命諫議大夫王彥威為兩稅使七年七月荆  
南澗江東道兩稅使崔俊程昇以入計叙勞 顧少連

傳改京兆尹先是京畿租賦薄厚不能一少連以法均  
之 李翱傳條興復太平大畧曰改稅法不督錢而納  
布帛期為平賦書一篇 獨孤及傳為舒州刺史作口  
賦法處士楊賁以書譏之 後周顯德三年十月立二

稅限夏以六月秋以十月

唐平賦書

文粹李翱平賦書序云人皆知重斂之可以得財不知輕斂之得財愈多取可行於當時者為平賦書而什一之法存焉凡為天下者賦千里之都為千里之都者賦百里之州為百里之州者起於百里之田

開寶均定稅額

二年四月己卯詔兩稅折科非土所宜毋得抑配九年

正月遣太常丞魏咸熙均定開封屬縣三等戶稅額至  
道元年六月己卯令諸州重造兩稅版簿頒其式于天  
下祥符四年七月壬申朔免南方民丁身錢至和元年

九月詔滄州均田稅民或未使其令復輸如舊嘉祐五

年四月丙戌詔均天下田稅命三司使包拯等詳定

高本

以為不可  
均復罷

六月丙寅張揆同詳定六年五月丁酉呂景

初同詳定 會要凡租稅穀帛金鐵物產為四類穀之

品七帛之品十金鐵之品四物產之品六 通畧自郭

詔均稅之法罷論者謂朝廷徒卹一時之勞而失經遠之慮至皇祐中天下墾田視景德增四十萬頃而歲入穀廩減七十萬石初慶厯中三司言先於淮南毫壽京西蔡汝州如方田法均之於是京西遣郭諮既而中止至是復遣孫琳等五人分往均田三司置局

怪與石諫  
議呂居簡

戶部副使吳  
中復詳定

其後雖用古法稍均數郡田於天下不能

盡行 張方平曰景德以前天下財利所入茶鹽酒稅歲課一千五百餘萬緡未聞加賦於民而調度克集慶

歷以後財利之入三倍前朝諸鑪歲課上下百萬緡歲入茶鹽酒稅雜利至五千萬緡而惟日不足

景德定土貢

四年閏五月戊辰詔曰任土貢輸雖存舊典經途遐邇亦念重勞三司所定劔隴等三十九州軍所貢土物並從蠲減夔賀等二十七州軍悉罷所貢每歲正旦止具表以聞 明道二年六月戊午減天下歲貢物 治平四年四月二十四日神宗詔罷諸道貢之物

天聖減畿內民租

九年正月辛未減畿內民租志仁宗嗣位首寬畿縣田賦慶歷中患賦役之煩詔下諸路上其數俾大臣議蠲減

宋朝五賦

國史志歲賦其類有五曰公田之賦

官莊屯營田賦民耕而收其租

曰

民田之賦

百姓各得專之

曰城郭之賦

宅稅地稅之類

曰雜變之賦

牛草

鹽食鹽之類隨其所出變而輸之

曰丁口之賦

計丁率米

凡賦入州縣有籍

歲一置謂之空行簿以待歲中催科閏年別置謂之實

行簿藏有司天聖初或言實行簿無用罷之景祐元年  
韓瀆疏言賦輿之繁但存催科一簿一有散亡耗益無  
從考請復置實行簿詔再閏一造慶厯中王素言田賦  
輕重不等請均定歐陽修言孫琳嘗往肥鄉與郭諮以  
千步方田法括定名田願召二人者三司請於亳壽蔡  
汝四州擇尤不均者均之遣諮蔡州諮首括一縣得田  
二萬六千九百二十餘頃均賦於民州縣未可盡括朝  
廷重勞人遂罷嘉祐五年復詔均定遣官分行諸路纔

均數郡田而已田賦之外佐縣官之用者有山澤之貨  
關市之征酒麴之入仁宗在位有司言利者多擯不取  
聞民有疾苦雖厚利舍之無所愛貢獻珍異故事有者  
或罷之山林川澤陂地之利久與民共者屢敕有司毋  
輒禁止易之小畜德之小也則曰富以其鄰泰與謙道  
之大也皆曰不富以其鄰 剝始於下其象曰上以厚  
下安宅所以救剝也

玉海卷一百七十九